

TRANSMUTATIONIS. 97

libet putrefactione 8. indiget diebus, aut sex conti-
 nuis, ita quod quasi per annum durat diuisio ele-
 mentorum. Sed nos compleuimus elementorum
 in septem mensibus. Et ignis a terra diuidi non po-
 test, nisi in quarta distillatione. Quis est enim, qui
 per annum tantum laborem vel per septem mens-
 ses possit sufferre, quasi sunt pauci. Et ideo igno-
 rantes principia naturalia arbitrantur cum metal-
 lis absq; elementorū diuisione verā practicam face-
 re. Qui in hoc sunt decepti. Postea sunt aliqui, qui
 cum repente ad eorum libitum non diuidunt eo-
 rum elementa & sulphur naturæ, nolunt attende-
 re naturas minerarum, faciunt eorum mixtionem
 confusam sine purificatione aliqua, aut sublima-
 tione & subtiliatione, & non perueniunt ad finem
 quæsitum, suæ ruditati nullam imponentes cau-
 sam, sed culpam arti imponunt, quam ignorant, &
 asserunt artem esse falsam, de quorum numero te
 regem vnum esse credimus. Non ergo fatigeris,
 nec ab opere cesses, & inuenies quod optas. Scias
 enim o rex combinare principia naturalia, & fiet
 quod quæris.

Sed cum hæc principia non sunt naturaliter in
 vna re indiuiduali producta, vt plures errando pu-
 tant, dicentes, quod vna res erat in orbe, quæ vir-
 tutem habeat ad transmutandum omnia metalla
 super terram quod falsum est.

bb